

東鄉縣志卷二十一

武功

盛王之勤武畧非以觀兵也將以戡亂除暴而奠民於衽席之安也東邑於蜀爲山陬偏隅民生罕見兵革惟自明季始遭獻賊之擾我

朝定鼎悉爲掃除休養生息已漸漬

皇仁於百餘載之久迄乎教匪自作不靖仰荷

宸衷指授方畧大臣督調悉中機宜遂糾合鄉勇迅速勦滅其豐功偉績豈惟一邑藉以安定哉志武功而以

東鄉縣志

卷二十一

武功

叛逆附焉

嘉慶元年東鄉奸民王三槐冷添祿劉學書張子聰度向瑤符曰明劉朝選湯思蛟張簡均各習白蓮教潛蓄異謀九月劉學書起事由東林河焚掠遂至達州亭子舖與徐添德合二十日王三槐冷添祿亦聚衆起蓮池溝與湯文德合有衆萬餘六二十八日據峯城場距縣城六十里權四川總督侍郎英善率在川官兵及鄉勇勦之十月達州賊目徐添德據東鄉張家觀十一月王三槐等由金鷲寺至張家觀與徐

賊合勢愈熾重慶鎮總兵官袁國瓚陝西興安鎮總
兵官何元卿由征湖南叛苗來川戰歿成都將軍觀
成自楚比回川協勦十二月達州首逆徐添德東鄉
縣首逆王三槐冷添祿等潛自城西曾家山火石嶺
攻陷東鄉城前成都副都統佛住及東鄉縣知縣張
寧陽等死之二年二月陝甘總督總統宜綿攻破太
平南津關遂至東鄉與權四川總督英善將軍觀成
克復縣治首逆徐添德王三槐冷添祿退踞金鷲寺
廣州將軍明亮內大臣德楞泰入川與總統宜綿會
劉清請往招撫親人其壘賊佯許之而陰出抄掠遂
燒雙廟場抵大成寨我兵未敢出五月總統宜綿與
將軍明亮內大臣德楞泰攻破重石子香爐坪徐王
等逆始竄出將軍明亮內大臣德楞泰追之斬殺首
孫賜倖於東鄉縣之亂石窰徐王等逆率衆二千餘
人欲北走太平縣而襄陽首逆齊王氏弼之富王光
祖樊人傑等爲楚省官兵追逼由豫陝入川之通江
竹峪關遂至東鄉與徐王等逆合於是定以青黃藍

白等號爲記又設掌櫃元帥先鋒總兵千總等僞號
東鄉首逆王三槐冷添祿稱東鄉白號張子聰度向
瑤符曰明劉朝選湯思蛟張簡附之達州首逆徐添
德稱青號太平首逆龍紹周稱太平黃號巴州首逆
羅其清稱巴州白號通江首逆冉文儔稱通江藍號
六月尙書惠齡領楚省滿漢官兵尾追齊王氏姚之
富等入川與將軍明亮內大臣德楞泰分道勦之時
總統宜綿正勦方山坪之賊而齊王氏姚之富徐添
德王三槐冷添祿等從雲陽奉節一路竄擾維時各
路重兵分入陝楚不敷調遣多以鄉勇繼之三年六
月東鄉白號王三槐冷添祿等踞雲陽縣之安樂坪
總督勒保督兵圍勦八月生擒王三槐四年三月射
死東鄉白號首逆冷添祿於廣安州之人頭堰十月
叅贊大臣德楞泰殲東鄉白號賊首符曰明於廣
元縣之野人村五年十月開縣團勇生擒東鄉白號
僞元帥張子聰六年六月總督勒保率川北鎮總兵
官薛大烈生擒徐添德之弟徐添壽於東鄉縣之石
淩山梁鮮倭先殲於樊噲店苟文通亦於樊噲店撲

河淹斃七年四月總督勒保督兵生擒東鄉白號賊首度何瑤於古佛寺九月復率兵生擒東鄉白號張子聰之餘黨賊首張簡於東鄉縣懷家坪又擒賊首湯思蛟於芝包口東鄉之首逆悉平

重慶鎮總兵羅思舉胆力過人自幼不拘小節嘉慶元年致匪起因慷慨從軍將軍明亮見而奇之時賊踞王皇觀峯城兎坪等處焚掠勢甚熾思舉乘夜攀巖入賊壘縱火燒其藥繩器械焚斃無算生擒首逆廖廷賢給千總賞戴藍翎五年從擊賊淨土寺尾斃

東鄉縣志

卷二十一

武功

四

首逆孫老五斬獲千餘名常奉委以五人擒賊突遇賊數千思舉慮不能脫急令其五人悉受縛偽爲賊虜得者賊情平處其人思舉給以方雷其前往背所以談物約與同行其脫免五年以勦賊購水風火場開縣安樂坪功思舉憐五年追賊至江油馬蹄崗石門寨新店子等處生擒冉添元雷仕旺孫老六叅贊德楞泰奏換花翎轉陝西都司六年斃賊首張世龍世虎於通江鐵溪河王泗虎僞元帥陳天奇於奉節

長嶺岡拔書屢聞

因返敵思舉奮勇擊之斬獲殆盡又時賊盜起有
民結寨自衛者無問官民過輒尾其後抄掠之大爲
民害思舉奉檄平之度其寨甚堅奸民固守不出因
僞爲官兵過其下令數十人前留其輜重在後餘皆
伏草中奸民望見其輜重果出掠思舉自草中突起
擊之斬獲甚衆餘皆逃散遂平其寨其戰安樂坪也
山勢懸峻綿亘百餘里賊倚險樹柵徵兵雲集進攻多
失機思舉時官千總位甚卑請以身先大帥壯其言
許之選精銳百餘人身挾引火具夜靜逼賊壘攀藤

附葛抵頭卡守卡賊皆熟睡悉手刃之抵二卡亦如
之直至三卡因風縱火喊殺賊夢中驚潰並力死拒
思舉酣戰久左眼中矛傷不自知奮呼仰攻賊危甚
以後軍不繼退賊落礮燒斃者不可勝紀各帥集視
創相慰勞皆嘆服瓦石坪與太平相去數百里聞警
投床起兩晝夜馳至乘賊未知突入大呼曰羅某來
賊大驚全數就擒其神勇類如此常選精壯一二百
人投石越澗日加訓練無不以一當百嘗謂人曰吾
不擊賊心不快輒生怒聞有警卽欣然馳往盡力

擊勝負非所計也所轄地方時親出巡警省小欽
二十年瞻對土司洛布七力叛思舉奉檄討之三月
至軍地險固思舉領兵深入屢戰克捷至河西不得
渡乃招誘番酋賞以銀茶等物羣番皆悅服願爲嚮
導獻橋乃得渡時洛布七力勢窮威據碉卡固守不
出思舉率其屬各執鐵鋤昌矢石搗挖不能克因縱
火燔其碉樓洛布七力及其家屬皆焚死羣番悉歸
順瞻對平事

聞奉

東鄉縣志

卷三十一

武功

七

古羅思舉親歷戎行照軍功例交部議叙八月還鎮口不
言功操練將士紀律嚴明時總督常奉

古羅思舉簡閱極爲獎賞

川北鎮總兵桂涵嘉慶元年教匪蠢動涵招集義勇
戰賊於鎖子山雷音舖張家觀普子嶺馬鞍山多所
斬獲給外委加七品銜二年隨官兵勦賊於冉家壩
天生礮明月壩落尾河譚家觀淨土寺賞藍翎千
總三年戰賊於巴州再戰於儀隴進攻虎耳寨頭受
石傷不顧卒克之復戰於雲陽老鶴嘴補守備四年
追賊長壽雲臺舖達縣雷音舖太平鐵鑛壩開縣白
礮大寧毋猪洞屢戰克捷殲包正洪於開縣蘆花嶺
擒龔鑑於錨兒寨王登廷偽總兵王文奇於通江東

東鄉縣志

卷二十一

武功

八

君壩轉維州都司換花翎五年勦賊蓬溪高觀場南
坪黑河口隣水七吼溪梁山賽白兔擒符大成遷靖
遠游擊六年賊竄閬中奔開縣帶兵進勦於碑灣寺
桃子園土龍壩百草壩俱大捷直抵湖北竹谿柳林
店隨馳回戰於仁和寨通江石漣山賊踞險督率兵
勇大破之擒徐添壽偽總兵王文科劉學照乘勝進
兵廣元大毛坡卯子石黃連壩擒冉學勝轉戰達縣
衛家溝太平潘家坪小中河斬獲無算擢提標叅將
當是時大隊賊已次第剪除而餘孽尙出沒於重夔

忠達間制軍勒侯議得威勇素著者專責之歟推涵
賊素畏涵威聞風先遁涵率兵勇追勦兩年之間戰
開縣銀廠坪梅家壩芭蕉溝者三太平曹家溝黃石
板者二新寧金家營者一忠州高崗堰者一縣屬雙
河場平樓山化角嶺者三大寧金家營劉家溝磨子
巖者三江北高家廟大坡鴛鴦橋者三長壽宋家溝
曹家壩堰壩溝者三又戰隣水張家場奪賊旗幟器
械殆盡又戰萬縣烏龍池擒偽元帥王青又戰大竹
龍洞壩大亞口潘家洞牛欄溝山王廟擒宋國聘腹
地悉平積功遷雲南龍陵副將調維州十年履任旋
以川楚沿邊餘氛未靖再調夔州十一年十二月綏
定兵王德先等叛川東大震涵適會哨拉新寧聞警
馳赴率兵勇追至檀木場一鼓殲平捷奏
上嘉其敏加總兵銜並給健勇巴圖魯各號十三年署重
慶總兵十四年補川北鎮總兵十六年入

親

聖問三次與勞有加涵從戎十餘載身經百戰所向克敵
共擒斬首逆二十餘名治軍嚴明所至整飭營伍兵

民相安

綏定叛兵平方伯方積贈詩云鼠子真何濟

元黃血高天濂蕩風捷書喧驛路喜色上

馬邊司馬周斯才贈詩云草澤奇男子人間偉丈夫

功名擬衛霍威信著巴渝劍氣凌霄漢雄心人畫圖

太平真有象緩帶也從儒士民頌二章

臣捍衛鄉土民輯其居士安其伍屹屹巖疆淵淵銅

鼓蠻女其歌巴童式舞

王有千城鎮蜀北方堯

錦劍門聲壘陝邦妙無警示

息此眾我公之德澤流孔長

守備衙千總羅貴本綏定營兵十二年十二月同營

兵丁王德先等叛脅之去不從隨桂涵追剿至檀木

場時賊踞山梁官兵仰攻賊並集死拒相持半晌不

能上貴奮勇先登矛中王德先貴亦帶重創殊死戰

東鄉縣志

卷二十一

武功

十

兵乘勢撲攻賊遂潰全數就擒事

聞賞給捷勇巴圖魯名號并守備衙戴花翎時同邑原任

德清典史龔宣堯龔性堯冉鶴臯等皆當賊初起散

家賞募義勇率子弟助縣王嬰城固守一切軍火器

械星夜置造城哨散走得免性堯從潼綿遊擊羅定

國赴峯城勦賊生擒王三槐父母胞弟二人總督英

善給行營千總復從川北鎮朱射斗勦賊逢溪受傷

總督勒保奏以從九需次嘉慶十一年綏定新兵叛

性堯鶴臯復出費集勇從川北鎮桂涵勦平之性堯

以功除福建建寧府經歷鶴皋以功除奉天刑部司
獄維時在鄉團勇結寨或保護鄉里或奉調赴援如
貢生陳有光葉沾霖符大芝廩生鄭文軒文章陳常
考職吏王丕承等不可勝紀云

叛逆附

明

藍廷瑞營山人正德三年與湖廣崔蓬頭及大寧竈
丁鄢本恕廖麻子等聚眾圍大寧縣令李睦斬蓬頭
廷瑞率餘黨攻巴縣尋劫營山殺僉事王源巡撫林
俊招之降而總制洪鍾邀殺廷瑞本恕等林俊致仕
去廖麻子復屠劍門陷利州梁山及東鄉等處尋亦
受撫被殺

東鄉縣志

卷三十一

武功

十一

何勉通江人隆慶中與及汪鐵鎚大鷓子小鷓
子滾子等聚眾萬餘劫東一帶受其荼毒川陝
鄖陽三撫合剿平之

張獻忠陝西虜施人從苗美王家印等作亂尋自焚
八大王受撫復叛崇禎甲申夏率眾數十萬由夔門
直入攻重慶殺巡撫陳仕奇等九月陷城都蜀王赴

井死獻忠僭大號偽署守令屠戮蜀中紳士於萬里橋行盡勦法分布賊黨搜獲各郡邑男婦少長悉戮之賊黨劉文秀等率衆寇川東郡邑至東邑距縣南金榜山知縣趙德遴固守一月餘食盡城燬德遴被擒不屈投井死閬邑遭其荼毒

袁韜陝西沔縣人先是蜀賊姚天動黃龍聚黨劫掠韜亦聚响馬賊數千與姚黃接踵乘獻賊之亂掠川東北各郡邑所至焚燬殺老幼開墳墓時值飢疫賊以人爲食井邑蕭然人烟斷絕袁宗第郝搖旗等皆

東鄉縣志

卷二十一

武功

十一

獻逆餘黨盤踞川東各地搜刮無遺人民百不存一十三家劉文秀逆獻義子也初破川東各郡邑後與袁韜爭嘉定而據蜀者自明崇禎甲申年獻逆入蜀荼毒全川迄後被戮而其餘黨散布各邑展轉無休幾至民無孑遺我

朝順治二年巡撫李國英合諸道兵進勦各邑始平

皇清

王三槐本邑人素習端工與人降神後陝西白蓮教匪孫賜俸獻入川三槐從之學習因以煽惑鄉人

慶元年九月聚眾峯城謀逆十二月攻陷東鄉城嘉
慶二年在開縣安樂坪被擒伏誅

冷添祿湯思蛟本邑人俱農夫亦從孫湯偉傳習白
蓮教煽惑多人嘉慶元年九月同王三槐張簡謀逆
起峯城十二月陷東鄉城嘉慶四年冷添祿於廣安
州人頭堰殲斃七年湯思蛟在本縣芝包口被官兵
生擒伏誅